

## ***Les Minutes juridiques autochtones***

### **ACTE EN FILIATION**

Utaumau eka ka uinakan shukaitashun

*Eukuan Educaloï mak Association des femmes autochtones du Québec ka uauitshiashit tshetshi apishish uauitakan tan tshe ishi-takuaitshanut miam Utaumau eka ka uinakan shukaitashun. Mate innu-ishkueu utaumau eka ka uinakanit utauassima ushukaitausshunnit, ekuat ute tshe petak tshekuanu tshe tutak kie tan tshe ishi-tshishpeuatishit.*

Marie miam pishkapimeu Anne nite « Innu Nakamu ». Mamitinetamunakushinnu, Ekue uashtaimuat kie uin uashtaimaku. Shaputue ekue natuapamat.

Marie Kuei Anne. Tan etin?

Anne Nimishta mamitinenitamikuanu peik<sup>u</sup> tshekuan. Anutshish nana nuapamatit Stéphanie mak Nancy. Nuauitamakutit tan eshi-pimipan auass eka kauinakanit utauia nite ushukaitashun. Apu innu pimipan, miam kauapishit eshi-pimipaniakan issishueut. Nikuss Simon apu uinakanit utauia ushukaitashun. Nitinnu-ishkueut kie ne utaumau peikuan. Apu tshissenitaman tshekuan tshe tutaman tshetshi innu pimipaniakan nikuss, eka tapuetak ne utaumau tshetshi mashinatutishit shukaitashun.

Marie Shetshen tshimamitinenitamakun Anne. Tshikuss tshia, namieu kauapishit usham innu an tshin. Muk<sup>u</sup> anutshish eshinakuat takuaikan nite tshin 6(1) tshitishi-utinakun eku ne tshikuss 6(2) ishi-utinakanu pittama. Mate ne tshikuss utauassimat tshipa ishinakuannu tshetshi eka innu-pimipiniakanat utauassima eka uitshimat innu-ishkueu.

Anne Tshekuan tshekuan nipa tshi tuten tshetshi eka ishinakuat?

Marie Eshe, tshipa tshi natueniten tshetshi aikamiakanit Simon utauia tshetshi mashinatutishit nite tshikuss ushukaitashun. Shash nite kie nin tshi pimuten, ninatueniteti tshetshi aikamiakan nitaussim utauia tshetshi mashinatutishinit ushukaitashun. Tshitshi an aikamiau utaumau tshetshi uitak uin uetaumaut.

Anne EK<sup>u</sup> shash niput?

- Marie Niput kie eka niput tshika tshi aikamiakanu peikuan, peikuta an ishinakuan takuaikan.
- Anne Tan tshe ishi-pimuteian?
- Marie Ishinakuan tshetshi natshi-uapamat kaimit pittama, tshe uauitamun kassinu eshpanin, tshe tutak mashinaikanu nite tshe uitakan uin uetaumaut, kaimit kassinu tshika minu-uauitamak tshekuanu ua apashtat tshetshi aikamiat Simon utauinu tshetshi mashinatutishiniti nite tshikuss ushukaitashun, nuash natukunisha tshika apatshieu.
- Anne Apu tshissenitaman tan tshe ishi-tshishikuk?
- Marie Ekuan uin tapue, apu tshi uitshikuin nite kaimit kauauitshuiet, tshika ishinakuan tshin tshetshi tshishikuk tshikaimishim. Muk<sup>u</sup> mishta-apatinnu nenu tshikuss kie ma tshin peikuan. Ne utaumau eka uinakan nite tshikussa ushukaitashunit tshika mishta-anamun tshetshi natuenitamin auassiu-pakassiu-shuniau.
- Anne Tapue tshia. Mishta-apatinnu nenu nikuss, Ishinakuan tshetshi ushkuishtatishiat nin mak nikuss.

Miam ishinakushiek<sup>u</sup> kie tshinuau, eukan ne miam tshe tutamek utaumau eka uinakan nite shukaitashun. Nite tshe aimiek<sup>u</sup> kaimit kauauitshuiet pessish nite etaiek<sup>u</sup> kie mak kaimit utinek<sup>u</sup>.

*Tutakanipan ume tshetshi nishtuapatakan takuaikan eshinakuat. Uepishtikui-  
tshishe-utshemau-takuaikan eukan ka patshitinak shunianu.*